

德陽縣新志卷五

建置志

津梁

城北堤在縣城東北康熙五十三年縣陽河水泛齧城足知縣叢方涵築堤固岸雍正中累圯乾隆元年知縣夏詔新復築後又大圯知縣崔浴德令撥水東注更於河東開梓潼堰一護城一溉民田乾隆二十六年知縣周際虞又決流去壅闌以石籠三十四年知縣李莪又於北門受水處建金剛亭沿城砌石岸以禦之嘉慶七年知縣彭永芬增修

德陽縣新志

卷五

津梁

修築河堤碑記

國朝夏詔新邑令

縣陽河發源於縣竹之紫巖山縣陽谷口入縣北境東南流至城北里許稍折而東注去縣城固甚遠也康熙甲午歲河水大泛不能束一道自折處直奔城足劃然成河邑令叢築堤以固岸旋亦崩圯歲益久舊河益淤新河益闊城之東隅漸有岌岌之勢每夏漲官民咸以爲憂雍正辛亥余來佐縣事週覽河形意欲塞而東之使復故道以爲保固城垣計歷嘗未久有志焉而未逮也乙卯冬余承乏茲土適前令有詳請修堤之舉未卽行而去余奉檄與羅江王公諱榮命者會勘相度形勢

捐俸興築縣之人謂其切於己也咸請共爲捐輸余嘉其意而許之代請於各上憲皆曰可民遂歡然趨事首疏舊河決流左注而東乃營長堤於故衝決處籠石以爲骨覆土而加版築焉荷鋤攜畚以至者踵相接也余親爲督視具壺餐時獎勞之民益踴躍弗怠不越月工遂以告成水不虞其汎濫城亦不憂其震撼觀者無不爲之色喜傳曰一日勞之終歲樂之永世利賴之其足之謂乎是役也共費白鏹二百金堤長九百五十丈高七尺厚二十尺有奇是皆吾民之力也余樂觀成而又喜吾民之尙義急公爰考春秋之義費倍利者書譏利

費半畧利而詳費今茲之役利倍費者也宜大書之以垂永久且冀夫後之蒞茲土者居安思危念民力之不易而畱意增築焉則水號安瀾城如磐石金湯之固永壯觀於鹿頭龜勝之間矣

修理北河畧

周際虞

水利尙矣而治水最難德陽爲陸路之衝不通舟楫惟治北有縣陽河發源茂州之牛心山逶迤蜿蜒經百折而入平地當冬春之間泉涸源枯沙平水淺雖褰裳可涉洎乎夏秋之交水勢驟漲狂瀾怒發驚濤駭浪電掣雲奔眺望平原谷窪瀾漫恍乎如遊龍門觀砥柱而茫

然莫測其津涯也蓋其所歷者遠故其受水愈多而其流亦汎濫而不可闕治北不數武有文昌宮爲關外最高之處稍北則皆民田而驛站通衢差使絡繹值水漲之時河流奮漲與大路相激盪隨潰隨築隨築隨崩勢不得不改田作路浸至歲壞月削令編戶小民糧存田去心何以安且其勢稍折而西必至徑衝城脚礫塏一潰雉堞隨之雖有智者不能善其後矣辛巳夏六月連旬大雨河水陡發繞城而行幸以無事秋初水始落余偕同官輩連轡出城親至其處相其地勢觀其緩急見有河流故道較新河稍東而積年以來未經疏濬遂至

淖積泥淤聚沙成阜水不東下而西折者職此之由余偕同人再四審度謂可濬而東也乃命工決其流去其壅殺其勢合其歸于低淺處水易潰裂者編竹爲籠投以石礫水勢遂駸駸乎復故道焉計余之來此已八年矣惟今年之水爲甚詢之士人云從前惟乾隆甲子歲較今年更甚此外咸無害焉然則思患而預防之費不必多工不必久而民田可保城垣無虞其所獲全不滋多歟至于輦山石築長堤爲一勞永逸之舉此長江大河揚船擊汰之區而非野水無常驟起驟落之所急需也諺云築室道謀三年無成則隨時補葺誠守土者

之責也是用紀其大畧以告後之君子

縣陽古渡在縣北二十五里縣陽水爲省會赴京要路每年夏秋水漲則設官渡至冬春水涸則造板橋

縣陽道中

國朝孫元衡湘南

西風冷露溼麕裘又到縣陽古渡頭山老閒雲當寺起
田荒野水背村流關前雨過獼猴滑嶺上寒生鸚鵡愁
卻笑旅懷寬未得香醪直向卓家求

過縣陽渡口占

陳鈞陶萬

一從京國返長路漫悠悠此地過縣水明朝向益州故
鄉雲樹近斜日夢魂畱嘿嘿情何限臨風緬仕遊

德陽縣新志

卷五津梁

四

縣城東渡在縣東半里縣陽水爲潼川中江要路亦夏秋
設官渡冬春造板橋

新興渡在縣東南十里縣陽水爲東和二村赴縣要道乾
隆五十一年里人王沛舒問璜等募捐生息夏秋水漲
則置義渡冬春水落則造板橋

新興渡記

國朝黃河清邑今

蜀中諸水有內外中之別縣卽中水之一也其源出茂
之牛心山歷古晉熙武都境遶今城北逕沿城東直趨
廣漢界匯清白石亭諸江於金淵銅盤山下以出峽者
也但城北縣陽古渡郵傳所經設舟董之有司卽沿江

而下柳溪湧泉諸津居民亦以時置渡而城東南一隅
凡邑東山瀕河之人往來商旅道必由之顧獨舟楫弗
具可乎予嘗欲進有眾而謀之會以攝他篆去比反則
東和二村士民等已置大小二舟僱夫守渡而謁予文
以記之予曰此吾志也爾眾之爲此善矣雖然猶有慮
夫事創始者實繁而經久者蓋寡今東南鄉之利涉於
此者一葦可杭瞬息登岸而過客亦皆相顧色喜如出
望外追維未設舟之時水一大至凡公家之檄發期會
私家之朝夕有求行道則無及於事臨流則罔知攸濟
其他攬轡牽車自岸而還又不知凡幾而有司莫知問

鄉人莫知先徘徊驚阻積漸至今以今視昔利病懸矣
嗣後勤補葺贍舟子所以貽諸無窮者非爾眾所宜盡
心者歟眾皆曰然遂爲之記並載捐貲姓氏于后以勸
善云耳

雙平渡在縣東南二十里緜陽水爲赴漢州中江便道嘉
慶十二年里人胡上文陳乾宗等倡捐生息夏秋造舟
冬春造橋

雙平渡記

廖家驩龔莫亭

德邑南里八角井其得名不可考先年有茅店數椽歲
時伏臘里人作苦相勞者恆於斯甲子之歲新營列肆

乃建闔闔乃闢市廛商賈工技聚族而居行旅經過輻
輳而至居然小都邑焉絲水由左縣越德陽而經於其
左卽縣陽河也夏秋之月河水泛溢往來者望洋而嘆
自崖而返鄉之人倡爲義舉爰解己囊募眾貲造舟以
濟之河歧爲二故爲二舟而舟子之養皆預籌所出毫
不取諸行人事既有成首事諸君子勒石以紀而屬序
於余余兄師竹亦董茲役之一人也爲名之曰雙平而
並示以所緣起余維平之爲義大矣夫民生日用所需
不能盡取諸宮中也昏暮所求不能盡得之鄉里也緩
急不時惟近市爲便今當迫不及待之際而陽侯阻之

其不平孰甚焉且貧家竭力以競刀錐計錢而糴升斗
其不較及錙銖將焉取之而長年操楫坐索腰貲勢不
得不自減食用以求一時之濟其不平又孰甚焉是渡
之設所以平人情之不平而使之悉歸於平者也嘗謂
徒杠輿梁其事甚微孟子以爲君子平其政茲之所謂
平者意有在於斯乎天下事視其分之所得爲與其力
之所能爲分有尊卑力有大小其有濟於物則一也匹
夫而能平其不平之情是卽鄉里之所以爲政如必有
所藉手而後能有所平將匹夫不可以爲善乎

聖朝在上養欲給求天下之情應無不得其平者諸君子乃

能體王政之所及而奉而成之如此觀於此而有以見天下之平矣是以樂爲序之

遇仙橋在城內西街相傳張三丰嘗與友經過於此因名今溝改橋猶存

觀平橋在縣西二十五里歐家堰爲什邡要道里人周文任建

觀平橋記

廖家驥冀亭

德陽縣西二十五里有溪焉石亭江之分流也土人堰江水以灌田因別溪于江卽以溪名堰曰歐家堰爲德什接壤要衢每至夏秋閒江水方盛溪亦隨爲暴漲往

德陽縣新志

卷五

津梁

七

來者恆以阻滯爲憂及冬寒水涸則又艱于厲揭行旅病之周文任者里人也居近是溪憫其事之不容已度其力之所能爲乃偕其弟某某庀材鳩工造石橋于其閒而名曰觀平蓋以有橋則道平而欲使如砥之道自我而觀其平也橋成丐記于余余謂周氏兄弟可謂知喜捨之宜矣夫今之所謂喜捨者且日僧操簿而叩門曰某山某寺建浮圖飾佛像于無量無邊功德海中爲居士種廣大利益福田聞者歡信雖有和嶠之癖王戎之慳亦必解囊相俵矣至于損有餘補不足濟人利物之事則以爲非冥福所資咸過而弗顧是以澤陂川梁

恆不如梵宮紺宇之易爲力也夫天竺之梵僧與同域之人誰親苦海之沈淪與病涉之艱誰切乃舍其所可見而急其所不可見斯何異棄菽粟之眞味而欲求吸風而飲露不亦異乎若周氏兄弟者爲不惑于俗矣况乎慈航寶筏佛氏所以度羣生也茲橋旣成而褰裳不涉以視夫濟世慈航度人寶筏其所及者爲尤多卽以資福田利益宜亦未有大于此者余故樂爲之記

孝里橋在縣西四十里姜公祠前剏始無攷里人劉綱維增修道光十三年里人朱邦彥邦梁邦棟邦友啟緒啟端啟廉兄弟叔姪各捐貲重修增益高大以便行人

德陽縣新志

卷五

津梁

八

孝里橋序

劉綱維

橋以孝里名昉於古也蓋因東漢至孝勅封廣文王之故里而名之也夫姜公之一門三孝史志載之古今傳之似不藉橋而顯也而在昔時之故宅今日之廟堂實此橋爲前岸之關鎖焉我

朝定鼎以來前哲樂善曾架石以便行人其爲計誠遠矣其爲利誠溥矣然歷久不無缺陷之端附近者不忍康衢而爲險途意欲更舉增新之爰集同人欣然開囊不踰月而王道蕩蕩平平焉然是舉也非以彰好善圖陰功而爲之也非以培地脈蔚人文而爲之也蓋其所期望

者大而激勸者切惟願過斯橋者顧瞻祠宇典型在望
憑弔坵墟實得我心深高山仰止之思起明發不寐之
懷爲子者能如姜公之委曲承順格天而化寇暴爲婦
者能如龐氏之從容理法湧泉而躍錦鱗爲孫者能如
安安之負米供母童稚而知全孝則共維名教扶持綱
常家皆孝廉之戶人皆孝廉之行應有接踵於前繼起
於後者庶幾人倫厚焉風化美焉是則補修者之所深
望也夫

龍橋在城內北街爲南北通衢以橋居縣左故名

仙人橋在縣北十五里爲縣陽河分流自省赴京要路秦

德陽縣新志

卷五 津梁

九

時韓終飛昇處故名雲笈七籤德陽縣北二十里秦時
韓仲修鍊之所傍有秦真觀

仙人橋

李調元 兩村

嬴氏翦六國黔首無噍類賢者多避之桃源其一事云
何雒水湄亦有韓仲至得非武陵人別支來此地當時
巴苴平蠻風尚敦摯混沌日以鑿往來豎郵置流俗好
荒唐代遠傳聞異人謬稱爲仙吾特重高義古觀創何
年長廊縻驛騎田蚡何時來候吏倦欲睡致令房牢落
案作馬槽餒仲昔于此棲吾今一暫寄櫟柳一畝陰蘆
荻四面庇誰家牧犢兒猶爭角觝戲

五子橋在縣西十五里乾隆二十年邑人王廷權捐修橋成鄉人賀曰當以五子名之後權果生五子權素樂善好施終日誦金剛經年六十四卒將沒之前一日書四語於壁云我年六十四出行須擇日昨夜問龜哥報曰明朝吉次日果無疾而逝

三寸橋在縣西二十里三寸口爲什邡要道明正德十五年貞女呂淑英建嘉慶元年鄉人重修

三寸橋碑記

明羅舜元

旌陽距城西二十里許有河名三寸口者西通雍齒會邑東連許令仙基雖非古今名勝之區實亦民人必由

德陽縣新志

卷五

津梁

十

之徑自古杠梁未設經此則荒烟村落旣乏舟子之招寂寞沙洲詎免臨河之嘆褰裳者或可濯足於夏病涉者誰其履冰於冬誠缺事也誠義夫俠士所宜急者也乃吾邑中有貞女呂氏淑英其名者因足恙守貞不字道經于此爲其中阻心焉病之歸而謀諸昆季鳳翔曰三寸有水利濟無舟子勤女紅積有餘資兄懷仁術曷往建橋以利行人鳳翔曰善善吾妹此舉盛德事也安敢辭勞於是淑英主其謀二難董其事眾姪翼其行聚匠於近岸採石於遠山辭外助之金罄內蓄之囊經歲餘而鼇占波中龍橫水面深淵竟成通津矣嗟乎洛陽

告竣必借菩薩之力溱洧有濟猶來國相之譏不謂王政大端竟出閨中弱質也於是邑人簞食壺漿勞其匠商賈釀酒刲羊致其賀紳士見而稱之邑侯聞而義之爰命勒碑以彰貞女之仁焉是爲記

耿懷橋在縣西二十里明義士耿懷建乾隆三十年監生吳基周文任補修

高登橋在縣南二十里

青雲橋在縣東十五里爲中江要路明山東參政張雲翰捐修碑尙存字多剝蝕

金寶橋在縣東二十里乃山溪水溝通中江要路雍正八

德陽縣新志

卷五

津梁

十一

年廩生周夢熊修旁有金寶山故名

接鳳橋在縣北三十里鳳皇壩里人馬君捷建

隆興橋在縣東十五里德彰羅三縣交處

鎮遠橋在縣東十五里山溪水溝

金鑼橋在縣東四十里山溪水溝因其地石多鑼形因名望秦橋在縣北五里三造亭側有大小二座相傳秦子敕應先主聘秦母每竝立倚望因名或云蜀王娶秦女過此回望處道光十五年邑人石泉縣拔貢加捐教諭郭

維翰重修

李杜橋在縣西十五里和尙堰地近天馬寺有古鐘載李

白杜甫同遊此地然李杜無同遊蜀之事蓋傳聞之誤
渡壽橋在縣東門外通東北門要路邑人李天周建
接仙橋在縣北十里赴京要路邑人李天周建
鳳凰橋在縣北二十五里邑人馬行修建

金鳳橋在縣北二十五里邑人馬文龍黃進德募修

金雞橋在縣北三十里通什縣要路里人募修

天壽橋在縣西十五里邑人李天周修

通湖橋在縣東十里舊志云有碑高六尺寬三尺厚七寸

自首至足半青半赤一綫平分人呼爲陰陽石

荷照橋在縣南十八里爲省城赴京要路里人張奇富創

德陽縣新志

卷五 津梁

三

修嘉慶十六年張大友重建橋側多種荷故名

廣濟橋又名曾家橋在治西五里明處士楊枝修

黃蓮橋在縣西十五里明庠生黃某之女蓮姑終身不字

紡績得百餘金修故名嘉慶十三年鄉人重修

旌善橋在縣西里許明處士楊枝建

旌善橋碑記

旌善橋者處士楊枝

缺

龍橋

缺

橋也處士

缺

好善善溢

閭里閒橋居一焉院司郡邑咸移

缺二

之曰善予因以

名其橋云其兄諱春者與其父秀山嘗建利西橋廣渡

橋通濟橋人德之生處士賀號處士曰龍橋龍橋不失

先人緒亦善橋嘗從予建天馬橋又嘗與予約重修通濟橋約修楊家河橋以予在宦海浮沈二十年未暇經始乃獨修旌善橋於黨家漕漕距邑西關里許道通縣竹每夏秋閒受西北諸溝澮水不及咽則狂奔怒嚙挾民人竭力以去以其歲不過數月水不過數丈故其害似小以其小而玩之故其害滋大蓋自元黃剖判以來不知幾萬年有此缺自有邑以來不知幾千年有此水患心力裕者方驚於鞭缺二鵲長虹新月之鉅不屑爲一衣帶謀心惻力乎缺二因循於撮土拳石濡鵲渡義缺二不能爲倉卒澎湃濟故橋闕焉爲行道病處士家

德陽縣新志

卷五

津梁

三

城西習見此水

缺二

敢視爲易亦不肯諉爲

缺二

身不

缺事任

缺

不逮中人而意在承先烈遂慨然竭貲建爲

橋橋之西別建一小橋以殺水勢錢多之費千百計不募眾不逾時而工告成其成缺橋大於水故水就約束而不得肆志岸大於橋故橋成堅鉅而不可拔行旅悅於途惠澤徧於野厥功偉矣當是時予方司滇憲喜其成而不獲見尋有入賀之役取道過家則處士已物化惟有缺歸然水濱而已嗟乎世之慳慍者不足道已彼峻宇雕牆不越世而子孫敗盡者何如此橋彼崇佛宮飾道院幾幸於不必然之福而風雨澌滅者又何如此

橋處士死而橋不死處士死五十九歲而橋不死且千
百歲橋不死而處士亦且與之俱不死處士可謂知務
矣缺處士生三子原蔭良蔭美蔭其伯與仲俱游泮人
曰天可必也未幾相繼卒季尙未成人曰天未定也處
士曰天我不敢知吾敬吾心耳此寧惟知務其殆知道
乎先主有言勿以惡小而爲之漕之水是勿以善小而
不爲漕之橋是老氏曰圖大於細爲難於易處士是矣
且吾之害與利如此水此橋者豈少也缺二與利蠲害
如龍橋公者抑豈可少哉善與人同予日望之矣
利西橋在縣西五里明楊枝曾守身全修

德陽縣新志

卷五

泮梁

古

天馬橋在縣西十五里相傳龐士元乘白馬現形於此因
名明進士曾守身題碑

諶公橋在縣西十二里明什邡令諶朝陽修原名朝陽橋
乾隆五十五年監生吳基募修

諶公橋歌

并序

黃河清

邑西有朝陽橋以明什邡明經諶朝陽經此而作戊申
秋毀於水里中人士重修之既成請予作歌予謂諶公
名不可沒而後人之名之則又不安也因易以諶公橋
而歌之以俾勿壞

縣陽有支河厥名曰酸棗爲梁自諶公薜碑猶可考漲

發憶去秋怒波漫浩浩窸窣初持撐奔騰就傾倒遂令
病涉人前望縈懷抱慷慨數諸生樂從迨翁媪庀材若
賈畜負石同兒褓靈犀昂其首左右扶朱橈謁予願作
歌先後資沿討行樹似新豐唐家古官道茲雖邑西隅
詎任阻淫潦獨創事良難眾勩情彌好頓欣復舊觀不
侈從新造改驛曰避賢此意訊故老勿壞俾後人所之
揆天藻

延春橋在縣北二十里處士劉仕近修
文明橋在縣北四十里

